

Դատաւորն կոչեալ զԻէորդ Պոսուռ առանձին յանցաւոր դատէ զՀայս, և դառնայ յառաջին խոստմանէ իւրմէ չտալ Հայոց այնքան ինչ, և չգնալ 'ի Բեթղէհէմ', եւ նա տայ նմա պատշաճաւոր պատասխանն՝ յայտ անելով զինքն նահաւանութիւն իւր, և զթեւարկելն Յունաց . եւ ինքն կարէր խոհեմութեամբ չտալ տեղի խոսվութեան 'ի Բեթղէհէմ', այլովքն հանդերձ : Ապա յորդորէ զնա Դատաւորն զի հնարեացէ առաքել առ ինքն զՆուրի, զի հաճութեամբ նորին եղիցի գնալն, և Հայք բազում թախանձանօք հաճեցուցին զնա, երթալ և դառնալ անվնաս երաշխաւորութեամբ դատաւորին, և ապա խորհրդակցեալ ընդ միմեանս որոշեցին գնալ, և Հայք սկսան պատրաստել զհարկաւորեալն : Լուեալ զայստիկ Յունաց դիմեցին առ Քաղաքապետն եւ աղաչէին զնա յայս նուազ եւս ձեռնտու լինիլ ինքեանց և խափանել զգործն, որպէս արարեալ էր յառաջագոյն, մինչ ջգալուստ Կուսակալին եւ պատասխանի թղթոց իւրեանց 'ի Կոստանդինուպօլսոյ . զի առանց հրովարտակի ասէին, միայն գրով Դենպետին չէ հնար լուծանել զայսպիսի խնդիրս : Եւ նա ասէ՝ Դենպետն Արքայի գրեալ է առ Դատաւորն և առ Միւլէլլայն կատարել զամենայն ինչ օրինօք Շէրիի, միթէ չիցէ՞ մեզ հրովարտակ սակս աքսորման Դատաւորին և Խօճաքեանին, ուստի ոչ կարեմ լինիլ ձեռնամուխ՝ երկնչիմ 'ի Թագաւորէն, և եթէ Դատաւորն կոչեցէ 'ի ժողով՝ անյապաղ գնամ : Եւ անտի չոքան առ Դատաւորն եւ մեղադիր լինէին նմա թէ զի՞նչ գործ գործեցեր ընդ մեզ, կործանեցեր զուռն Յունաց . լաւ էր մեռանիլ քան տեսանել զսյսպիսի օրս, օտար դատաւոր ոք ախոյեան եկաց Հայոց և խափանեաց զգործադրութիւն հրովարտակին, իսկ դու երուսաղէմացի եւ բարեկամ մեզ՝ առանց հրովարտակին արկեր զմեզ 'ի տագնապ տառապանաց . բարւոք խորհեաց եւ 'ի միտ առ զոր առնեսդ, և ապա զոր ունիս կրել, համբերեա մինչ ջգալուստ Բղեշխին եւ պատասխանի գրոց . եթէ սակաւ իցէ խոստումն, յաւելումք 'ի նոյն : Դատաւորն ասէ . չէ հնար այժմ լինել, եթէ 1000 քսակ եւս տայցէք, զի Դենպետն հրամանաւ Թագաւորին գրեալ է կատարել զգործն գործակցութեամբ Մուլէլլային, սակայն չզրկեմ զձեզ, այլ բարե-